

Jí² tì tún² 'e gasii¹in San Pablo tii²i Timoteo

Sii¹in Poo² 'e jí² lo tya' Timoteo

1 1 Jna-a, Poo², joon líi¹na jaain²¹ apóstol tya' Jesucristo. Dios gasii¹in jna yaai¹-tsi 'e jmáa³aa júu³ 'e Dios cwoo¹o juncwii²¹ 'múui² tya' tsá² 'wii¹³ Cristo Jesús. **2** Sii²na 'e jí² lo tyi'i, Timoteo. 'iin²¹²na 'nu lawa yuun²¹ tyiia. Cwocwo¹o Dios Jmii²¹ coon¹³ Ña'ñu¹u' Cristo Jesús 'e jmaa¹a fo'feei¹ tyi'i coon¹³ feei¹-tsi tyi'i joon 'e seen²¹mo'o tyú².

'íi² Poo² Timoteo júu³ 'e cwo² júu³ tyú²

3 Untii¹³oo 'nu coon²¹ tøø²mo coon¹³ júu³ tyú² tyiia 'e fo³oo la 'woo¹ la jmi¹. Cwo³oo 'maai¹³ Dios 'in un'góo³oo la gaun'goo²¹o 'lii²¹² tsacøøi¹³ tyiia joon jo con¹² jna tsá² too². **4** Tii¹³-tsii jmi²¹ gatoo²¹ unní²¹in joon líi¹ 'iin²¹²na jøø²¹²na 'nu la coon²¹ lijløøi¹³xuu. **5** Tii¹³-tsii jon xiiala jai¹² líi²u la jai¹² galíi² si'yíi¹²a Loida nifu la joon jon saa²¹a Eunice.

6 'Wii¹³ joon 'íi²ii júu³ 'nu 'e cwojmaa²gi'i jiin¹³ 'ii²¹ 'e 'oo²¹o 'e gacwo¹ Dios 'nu mo gatón³oon cwóo³oo tyi'i. **7** Tsu 'in Espíritu 'in cweei¹³ Dios jna' jo jmoo²¹o 'go¹o' pe cwo¹-o jna' pí³ joon 'e 'iin²¹²mo' tsá² joon 'e 'øøi²¹-tsi' tyú². **8** Tsu 'wii¹³ joon jo fa'ii²¹ líi²u 'e røø²¹u'u cwáain¹ tya' Ña'ñu¹u' jon'gi fa'ii²¹ líi²u 'wii¹³ tyiia tsu siin¹³na 'nuñi³ 'wii¹³ jmóo³oo to² tyu¹² Jesús. Pe nee²¹e' wúu¹ coon¹³ jna caáain¹ tya' júu³ tyú² tya' Dios coon¹³ pí³ cwoo¹ Dios. **9** 'li-i gajmaa¹a tiin¹³ jna' joon gatø¹²ø jna' 'e ngii²¹i' tyú²-u tyaníi¹i. Gatø¹²ø jna' jon'on 'wii¹³ jilaa²¹ tyú² 'e jmoo²¹o' pe galí²-i jiin¹³ la 'iin²¹²mo coon¹³ jilaa²¹ 'e feei¹-tsi tyi' 'e gajmaa¹a cwáain¹ tya' Jesús 'wii²¹² tyi' la nu'gi garón¹ juncwii²¹. **10** Pe la no-o gajmaa¹a liñi¹ tsá² jilaa²¹ 'elo mo gajnéi¹ Jesucristo, 'in jmaa¹a tiin¹³ jna'. 'li-o gauntye²¹mo 'e júun²in tsá². Joon coon¹³ júu³ tyú² tya'a gacwo¹o tsá² juncwii²¹ 'e jo tyéi¹.

11 Joon Dios gatyii¹³in jna lawa tsá² tya'a 'e nicwóo³oo joon ni'e³ee tsá² 'in jon' seen²¹ Israel 'e júu³ tyú² do. **12** Joon tsu 'wii¹³ joon móo³oo wúu¹ pe jo 'óo³oo fa'ii²¹ tsu cwii¹moo 'iin 'in jai¹² líi²na joon jo¹o líi²na 'e 'ii-o lí² 'má¹ ca mi tí² jmi²¹² joon jilaa²¹ 'e gatyaa¹ cwóo³oo.

13 Cwosaain²¹-o'o jilaa²¹ júu³ røø²¹ 'e ganuu²¹un fo³oo. Joon cwoseen²¹mo'o jo¹o líi²u joon 'iin²¹²mo'o Dios coon¹³ tsá² 'wii¹³ sicaan²¹mo'o coon¹³ Cristo Jesús. **14** Coon¹³ 'e uncoon¹³ Espíritu Tyú² 'in seen²¹ jee²¹² jna' un'øøi²¹ jilaa²¹ júu³ 'e tyiin² 'e gatyaa²¹²aa cwoo¹o.

15 Niñii²¹²o'o jileei²¹ 'in néei¹ li sii²¹ Asia gatúu²mo jna. Joon Figelo coon¹³ Hermógenes jee²¹² 'ii. **16** Cwouncwaa¹³i Ña'ñu¹u' tsá² inuu tya' Onesíforo tsu 'lúa²mo naa' Onesíforo do nijacoon²¹ fo'feei¹ tyiia. Joon jo

ga'aa¹ a fa'ii²¹ 'e 'yuu² na 'nuñí³. **17** Pe mo nateein¹ fu Roma ga'naa¹²ⁱ jna coon²¹ tún² ca gatsee²¹ⁱ jna. **18** Cwolifee¹ mo-tsi Ña'ñu^{1u} tya' 'ii mi tí² jmii²¹² joon. Tyú^{2-u} nii²¹² o'o xiiala unjii²ⁱⁿ jna mo taan²¹² na fu Efeso do.

Xiiala líi¹ tsá² 'lái² tya' Jesucristo

2 1 Joon 'nu-u, yuun²¹ tyiia, 'ii¹³ mo'o 'e uncoon¹³ Dios 'nu 'wii¹³ sicáan^{2un} coon¹³ Cristo Jesús. **2** Joon jilaa²¹ júu³ 'e ganuu^{2un} 'e gafo^{3oo} foo^{21o} tyani tsá² fúui¹, tya^{2a} cwoo^{21o} 'in jo cu²⁻ 'o'o coon¹³, tsañuu¹ 'in tiíi²¹ 'e¹ tsá² xeei²¹. Joon 'ii-o jon lí²⁻ⁱ 'e¹ tsá² xeei²¹ 'e júu³ do.

3 Joon 'nu-u lawa jaain²¹ 'lái² 'in tyúi¹ 'in jmoo^{1o} to² tyu² Jesucristo jmoo^{2o} taa^{21a} jilaa²¹ wúu¹ 'e moo^{2o}. **4** Tsu 'in jmoo^{1o} 'nii²¹ to² tyu² fii²¹²ⁱ jo ngii¹ cu²⁻ tsi coon¹³ jilaa²¹ jmaa²¹ⁱ to² tya'a 'e coon¹³ la joon jløø^{3mo} fii²¹²ⁱ 'in gatyii¹³ⁱⁿ 'e líi¹ 'lái² tya'a. **5** Coon²¹ røø²¹ jon wa'a coo^{1o} tsá². Cwo²⁻ tsi pe jo lí² 'ii²¹ⁱ 'e gali¹ⁱ la jo røø²¹ coo^{1o} la to² tyu^{2u}. **6** Joon 'in jmoo^{1o} to² 'ii²¹ jee²¹² tyiia²¹ tíi²ⁱ dø^{1ø} 'e lisá² nifu.

7 Cwo'ii²¹ du^{1-o} 'e fo^{3oo} lo joon icwo^{2o} Ña'ñu^{2u} 'e 'øøi²¹ 'o'o jilaa^{21a}.

8 Cwotii¹³ gi^{1-o} 'e Jesucristo jún² tya' 'lii²¹² David 'ii joon gaunjiin¹ⁱⁿ Dios 'ii jee²¹² 'lii²¹² jiin¹³ la júu³ tyú² cwóo^{3oo}. **9** Joon 'wii¹³ tya' júu³ tyú² joon móo^{3oo} wúu¹ lawa tsá² gó² ca gaton^{2on} ñí³ cadena cwóo^{3oo}. Pe júu³ tya' Dios jo lí² 'nuu¹ tsá² coon¹³ cadena. **10** Tsu 'wii¹³ joon jmóo^{3oo} ta^{1oo} coon¹² jilaa²¹ 'wii²¹² tya' 'in gatyii¹³ⁱⁿ Dios 'e 'ii-o lí² 'ii²¹ⁱ itiin^{13mo} 'wii¹³ Cristo Jesús. Lí²⁻ⁱ 'ii^{21o} jon lí 'ya^{2gi} 'e jo tyéi¹.

11 Tsu júu³ ja^{2mo} lo:

Gajúun^{2mo} coon¹³ Cristo la joon jon itoon^{21on} coon¹³ 'ii.

12 Joon wana nee^{21e} wúu¹ la joon jon ityuu^{21u} to² coon¹³. Wana faa^{13a} 'e jo cwii^{1na} 'ii la joon jon 'ii ijin²ⁱⁿ 'e jo cwii¹ⁱⁿ jna'.

13 Wana cuu^{13na} 'a jo^{1o} líi^{2na} 'ii pe 'ii coonti jo cuu¹ⁱ untiin^{13mo} júu³ tya'a.

Xiiala jmoo^{1o} tsá² 'e 'yaai¹-tsi Dios

14 Cwountii¹³-tsi tsá² jilaa²¹ júu³ lo, cwoo^{12o} cwáain¹ 'ii tyani Dios 'e jo cwo^{1o} júu³ ruu²¹ⁱ coon¹³ júu³ 'e jo 'ee to² 'íi³ⁱⁿ. 'E júu³ do 'iin^{2mo} 'in tsá² 'in ganúu^{2un}. **15** Cwoo¹³ 'o'o jmaa^{2a} jilaa²¹ 'e 'yaai¹-tsi Dios 'wii²¹² tyi¹ⁱ la joon lii^{1u} tsa'leei¹³ tya'a 'e jo fa'ii²¹ líi^{2u}. Jmaa¹³ tsá² júu³ røø²¹ jiin¹³ la tí² 'e lí² júu³ tya' Dios. **16** Pe tuu²¹ júu³ 'e faa²¹ tsá² 'in jo ñí¹, júu³ 'e jo 'e to² 'íi³ⁱⁿ. 'In tsá² tyaa¹ júu³ do un'lái^{2gi} jiin¹³ 'e gó² jmoo^{1o} tyani Dios. **17** Joon júu³ tya' o' inii² lawa jmoowúu¹. Joon Himeneo coon¹³ Fileto líi¹ⁱ la joon. **18** 'Ii-o gajmaa^{1a} 'e gó² cwáain¹ tya' júu³ jo¹ tsu jin²ⁱⁿ 'e nasuun^{2mo} 'e jiin¹ⁱⁿ tsá². Joon 'wii¹³ júu³ tajuu²¹ tya' 'in tsá² do ga'iin^{2mo}-tsi 'inlíi¹³ 'e jo^{1o} líi². **19** Pe jo lí² lisíi² júu³ tya' Dios, 'e lí lawa coon²¹ po'xá¹ 'e jo jøø²¹. Joon júu³ tya' Dios jin': "Cwii^{1mo}

Ña'ñu¹u' jileei²¹ tsá² tya'a." Jin²o jon: "Tuu²¹ jilaa²¹ 'e gó² jileei²¹ 'naa' 'in jin² 'e cwii¹mo Cristo."

20 Pe coon²¹ tsi inuu li sá² cuu² jon'on jmai¹² wúun¹ lí² cwanáa¹ si cwataa²¹ 'ee pe sá²-a jon wúun¹ lí² 'mó² coon¹³ cwoo¹³ jon. Sá²-a tya' mo tí² jmii²¹² joon sá²-a jon tya' li to² tsá² tyi¹. **21** La joon jon wana tuu²¹ tsá² 'e gó² ilí²in lawa coon²¹ wúun¹ tya' mo tí² jmii²¹², máa¹ coon²¹ jmaa²¹i to² tya' fii²¹²i. Natyaa¹ tyu² tya' doñi'ee to² tyú².

22 Tuu²¹o'o jilaa²¹ 'e gó² tí²-tsi simii²¹ jmáa¹a pe 'nu-u coon¹³ jileei²¹ 'in mí¹ tyani Ña'ñu¹u' jo¹o cwolín²naa'. 'Ná¹-a cwoo¹³-oo' ngii²¹¹ tyani Dios 'e tyú²-u, cwoo¹³-oo' 'e jo¹o líin²naa' joon 'e 'iin²¹²naa' Dios coon¹³ tsá² joon 'e taan²¹²naa' tyú²-u. **23** Pe tú²u jilaa²¹ júu³ 'e jo tseein²¹ coon¹³ jilaa²¹ 'e unngii¹i tsá² 'in jo ñi¹ tsu ñii²¹o'o 'e júu³ do jmoo¹o 'e jo cwo¹o júu³ ruu²¹i. **24** Joon 'in jmoo¹o to² tyu² Ña'ñu¹u' jo lí² ngi¹ to² jo cwo¹o júu³ ruu²¹i pe 'ná¹ 'e tí²mo 'e 'e¹e tsá². Jmáa¹a jmai¹² 'e 'wo²-tsio tya' jileei²¹ tsá². **25** 'Ná¹-a 'e¹e coon²¹ tún²-un 'in jo jai¹² líi² la jo¹o lí²u wa coon²¹ jo ngáa¹mo icwoo¹o Dios ijaa²¹a-tsi joon i'øøi²¹-tsi ilicwii¹i 'e júu³ jai¹² do. **26** Joon iláa¹mo 'ña'a coon¹³ júu³ tajuu²¹ tya' 'in'lii¹³ 'in gacon¹² 'ii too² 'e jmoo¹o la 'iin²¹²in.

Xiiala ilíin² tsá² jee²¹² jmii²¹² li tséi¹

3 1 Cwolinii²¹o'o ca jmii²¹² li gatséi¹ ijó¹ jiin²¹ 'e 'íi¹ fo¹². **2** Tsu tsá² jo 'iin²¹²mo wa' tsá² xeei²¹, jiin¹³ 'iin²¹²in cuu² joon jlóo¹³ 'oo²¹o. Jmaai¹ jlóo¹³ 'ña'a joon faa²¹a 'laa²¹ tya' Dios. Joon jo nuu¹³un to² tyu² sáa³ jmii²¹, jo cwo¹o 'maai¹³ jiin¹³ jaain²¹ joon jo jmoo¹o 'e 'yaa¹-tsi Dios. **3** 'Waa²¹-tsi 'in tsá² do. Tsá² 'in jo cwéi¹-tsi joon 'in faa²¹a 'e gó² tya' tsá². Tyu²u to² yaai 'ido jo un'goo²¹o tsá². Lí²in 'ido lawa joo²¹ 'lii¹³ joon 'ee¹mo jilaa²¹ 'e tyú². **4** Tsá² 'in 'niíi¹ tsá² 'ii joon jmoo¹o jiin¹³ la 'i¹-tsi, joon 'in tsá² do tsafeei¹ jmaai²¹ 'ña'a. Nitya¹-tsi coonti 'noo¹o juncwii²¹ tya'a jo 'naai²¹gi Dios. **5** Lí¹i lawa tsá² 'in jai¹² líi² Dios pe jo cwó² tyu² Dios to² 'ii.

Cwotuu²¹ jileei²¹ 'in líi¹i la joon. **6** Tsu 'in líi¹i la joon tsataai² waa²¹²mo inuu tya' tsá² joon icon²¹ too² tsamí² jøøi² 'in røøi²¹ tsaa² 'in gatuu²¹ júu³ tyú² 'wii¹³ tya' jilaa²¹ 'e suuin²¹. **7** Nuú¹o júu³ tya' doñi'in pe jo litoon¹ galiñii¹ la jai¹². **8** La gajmaa¹a tsaláai¹ 'in sii²¹ Janes coon¹³ Jambres mo ngauntyíi²in Moisés, la joon jon jmoo¹o 'in tsá² 'in 'ee¹ 'e júu³ la jai¹² lo. Tsá² 'in jo gauntiin¹³ 'e júu³ tya' Dios 'ii. Joon cwáain¹ tya' júu³ tya' Dios 'e joon 'in xee²¹²mo-tsi júu³ tya'a. **9** Pe jo linii¹² júu³ tya'a tsu coon¹³ 'e gó² jmoo¹o iliñi¹ tsá² la gango¹ 'in tsá² gáí¹ 'in ngauntyíi²in Moisés do.

Tyaa¹ Poo² cwoo²¹o Timoteo 'ee 'ná¹ jmáa¹a

10 Nii²¹o'o jilaa²¹ 'e niga'ee²¹²ee joon nigajøø²¹ø jiin¹³ la taan²¹²na juncwii²¹ tyiia. Nigacoon²¹on cwáain¹ 'e 'iin²¹²na jmáa³aa. Nii²¹o'o xiiala

jai² lí²na Dios Jmii²¹. Nii²¹o'o jon 'e 'wo²-tsii joon xiiala 'iin²¹²na Dios coon¹³ tsá². Joon nii²¹o'o 'e fee¹mo-tsii. **11** Nañii²¹o'o xiiala 'øøi¹ tsá² jna coon¹³ jilaa²¹ wúu¹ 'e gamóo³oo fu Antioguía joon fu Iconio coon¹³ Listra. Nii²¹o'o jilaa²¹ wúu¹ 'e galí² tyiia pe Ña'ñu¹u' gatiin¹³mo jna jee²¹² jilaa²¹. **12** Joon tsei¹² jileei²¹ 'in 'iin²¹²in jmáa¹a la to² tyu² Cristo Jesús inee²¹ wúu¹ tya' tsá². **13** Pe tsá² gó² coon¹³ 'in tajuui²¹ do iun'láai¹gi jilaa²¹ 'e gó² jmoo¹o, coon²¹on tsá² too² joon icono²¹on 'ii tsá² too².

14 Pe 'nu-u, jo tú²u jilaa²¹ 'e nigauntsaa¹²a, jilaa²¹ 'e nigalitsáa¹mo-'o'o la jai², tsu cwii¹mo'o 'iin 'e¹e 'nu 'elo. **15** Joon ca mo xuú²¹²mo'o galiñ³i júu³ tyú² 'e ga'e¹e 'nu xiiala tiin¹³ Dios tsá² mo jo¹o lí²u Cristo Jesús. **16** Dios gacwo¹o tsá² jilaa²¹ júu³ tyú² tya'a. Gacwo¹o tsá² júu³ tyú² tya'a 'e jmaa²¹i to² 'e¹e joon 'e jmoo¹o júu³ xiiala 'noo²¹on tsá² tsaa² joon jmáa¹a røø²¹ 'e 'øøi²¹-tsi tsá² joon 'e¹e tsá² xiiala lí² jmáa¹a 'e tyú²-u tyani Dios. **17** Gacwoo¹o Dios júu³ tya'a 'e jileei²¹ tsá² tya'a lí² tyá² tyú² tya'a jmáa¹a doñi'ee 'e tyú².

4 **1** Tyí³aa cwoo¹o tyani Dios joongi tyani Ña'ñu¹u' Jesucristo 'in ijó¹ jajmaa¹ 'ii²¹ tya' tsá² jiin¹ joongi tya' 'in nijúin¹ mi jó¹ tyu²u to². **2** Cwó³ júu³ tyú² tya' Dios. Cwó³-o'o cwo²o júu³ wa'a 'iin²¹²in tsá² nuu¹un 'yaai¹-tsi si jo 'iin²¹²in 'ee. Cwojmaa¹³ tsá² júu³ 'e jo cwo'naa¹ tsá² tsaa². Mi²¹i tyaní¹i cwojaa²¹a-tsi. Tyá²a-tsi 'in jai² lín. Cwolifeei¹-o'o coon¹³ tsá² joon 'e¹³e coon²¹ tún²-un. **3** Tsu ijoo²¹-o coon²¹ sii¹³ mo jo 'ii²¹ tsá² júu³ røø²¹ joon 'iin²¹²in nuu¹un jiin¹³ júu³ 'e la tí²-tsi. Joon itøø¹ø tifo¹² tya'a 'in fúui¹ 'in unti² loocwóo¹o coon¹³ júu³ 'e 'iin²¹²in nuu¹un. **4** Joon ituu²¹o júu³ jai² nuu¹un joon inúu¹un jiin¹³ júu³ 'e tsaa²¹. **5** Pe jmaa²¹a coon²¹ tún². Taa²¹a jmaa²¹a coon¹³ jilaa²¹ wúu¹ mó²o. Cwojmá²¹a to² la jmoo¹o tsá² 'in cwo¹ júu³ tyú² tya' Dios. Cwountii¹u'u jilaa²¹ to² 'e cwoo¹o Dios jmaa²¹a.

6 Tsu nanáa¹ tyú² tyiia 'e ijúun³na 'wii²¹² tya' júu³ tyú² tya' Dios. Ti lí² 'ii²¹ 'e nii¹³mo. **7** Joon gacwo¹³-tsii jmáa³aa to² cwoo¹o Ña'ñu¹u' joon nano gatsée¹mo tyiia joon cwáain¹ tya' 'e jai² lí²na' jo ga'laa²¹aa. **8** Joon nano gasaa¹a Dios coon²¹ corona tyiia icwo²o jna tsu gajmáa³oo to² tyu²u. Joon Ña'ñu¹u' 'in jmoo¹o 'ii²¹ røø²¹, icwo¹o jna mi tí² jmi²¹² joon. Jon'on jiin¹³ jna icwo²o pe icwoo²¹-o corona tya' jileei²¹ 'in ján¹ 'yaai¹-tsi mi cwée¹i.

Jmaa¹o Poo² júu³ xiiala ngóo¹ seein²¹

9 Cwó³-o'o na¹ la jmoono. **10** Tsu gatuu²¹mo Demas jna tsu gali'in²¹²gi 'e sá² juncwii²¹ joon gangóo¹o fu Tesalónica. Joon gangóo¹-o jon Crescente fu li sii²¹ Galacia. Tito-gi gangó¹ li sii²¹ Dalmacia. **11** Jiin¹³ Lucas taain²¹²gi coon¹³ jna lo. Cwo'nei²du' Marcos joon ñijee¹o. Tsu jmee¹³na 'ii to² tyiia 'e uncono¹³on jna. **12** Nigasí³na Tíquico fu Efeso. **13** Mi ñí³i no cón³on 'mi'jnú² yuu² lúu³uu 'e gasaa³aa

fu inuu tya' Carpo 'in tyiin¹ Troas. 'Nó²'on cón³'on jon 'e jí² 'e gasáa³aa pe tyiin²gi 'e mo'jí² tyiia do, 'nó²'on joon cón³'on.

14 'In tiñi³ 'in sii²¹ Alejandro nigajmaa¹a 'e gó² tyiia 'ái¹. Intyii²¹o tya'a Ña'ñu¹'u' jilaa²¹ 'e gó² nigajmaa¹a do. **15** Un'øøi²¹ 'wo'o tya' 'ii tsu nigali'aa²¹o júu³ tyi'.

16 La mo nifu siin¹³na tyani tsaa'to² jiin¹³ jaain²¹ jo 'in gauncoon¹³o jna. Jilee²¹mo gatii² jna. Mí³ii tyani Dios 'e jo cwo² Dios tsaa² tya' 'ido. **17** Pe joon Ña'ñu¹'u' gauncoon¹³on jna joon gacwo¹o jna pí³ 'e coon¹³ la joon gacwó³ jna jilaa²¹ júu³ tyú² tya'a. Joon ganúu²un 'in tsá² jo seein²¹ Israel. Gatyí²mo Ña'ñu¹'u' jna 'e tóin¹ 'mó¹. **18** Joon ityi²mo Dios jna jee²¹² jilaa²¹ 'e gó² jmoo¹o tsá² tyiia. Joon iun'øø²¹i jna ca tye²na ñu'fú² li tyu² 'ii to². iCwoun'goo²¹o tsá² 'ii²¹ 'e jo tyéi¹! Amén.

Júu³ li tséi¹

19 'Aa²¹²mo'o fu³uu fo²'o Prisca coon¹³ Aquila coon¹³ tsá² taai² inuu tya' Onesíforo. **20** Gajaan¹ta Erasto fu Corinto joon gasáa³na tsaa¹³a Trófimo fu Mileto. **21** Cwó³-o'o ñí²u'u la nu'gi ití² jiin²¹ cwí². Sí³na 'aa²¹²mo'o fu²u Eubulo coon¹³ Pudente coon¹³ Lino coon¹³ Claudia coon¹³ jileei²¹ tsaru¹u' 'in jai² líi².

22 Cwocwoo¹o Ña'ñu¹'u' Jesucristo wa²a pí³ tyi'i 'e siin¹³mo coon¹³ 'nu. Cwouncwaai¹³ Dios 'naa' jileei²¹ 'naa'. Amén.